

quam tradunt a C. Iulio Cæs. bello Gallico constructam esse, velut propugnaculum ejus ad ripam vicinitatis adversus Germanos. Quod ipsum in atrio Palatii Majore Principum jussu adnotatum legitur his verbis. ANNO. AB. VRBE. DCXCIIIX. C. IVLIVS. DICTATOR. HIS. PARTIBVS. SVBACTIS. ARCEM. CLIVENSEM FVNDAVIT. Nunc Illustrissimis Iuliacensis, Clivensis & Montésis incluta sede, Collegio Ecclesiastico, & amabili Incolarum humanitate memorabile est. Situ peropportuno excellit, inde enim vicina pabulosa in loca, librata planicie, læta virentique gramine tecta, quam longissime patet prospectus; potissimum vero è Turri altitudine conspicua, quæ a cygno versatili ventorum indice nomen habet. *Calcaria* Opidum in Insula Rheni & Belgica Batavia a Comitibus Clivensibus, primitus exædificari cœpta, ut præsidium esset ac tutum refugium ab incurfionibus Colonienfium ac Gelrenfium vicinorum, quibuscum ipsis frequentia bella gerebantur. Nomen accepit ab antiquissimo Castro *Calcar*, a quo trans Insulam hanc ad ulteriorem Rheni ripam erat trajetus. Lanificio & coctione Cerevisiæ quæ istinc ad finitima loca transferebatur, potens ac dives facta, haud mediocriter crevit. Supra *Calcariam* loco quem vocant hodie *Auf den Baern*, creditur Cæsar Germanicus Rhenum ponte junxisse, quum a veteribus Castris in *Musas* tenderet, quos nunc vocamus *Twentanos* mutato nomine, tametsi Opidulum *Otmaersen* veteris appellationis servet vestigia. *Griet* sinistram Rheni ripam tuetur; hanc ex eadem parte sequitur *Griethusum* in principio agri Batavorum juxta Lobecum vetustam arcem, quam cursus extremitatem seu angulum dici volunt, *Loop* enim cursum nobis sonat, & *Eck* angulum significat: ibidem Rhenus scindit se bifido cursu in diversa labens. In Ripa Germaniæ sunt *Vesalia* de qua in Descriptione Westphaliæ: *Duisburgum*, sive *Teutoburgum*, veteris Germaniæ Opidum ad ripam olim fluminis Rheni inter Ruram & Angram amnes situm. Clarum semper fuisse, cum maxima ædificia, tum historiarum etiam Monimenta declarant. Ob Nundinas etiam celebres negotiationesque Mercatoribus frequentatum fuisse, indicant Rerum Flaudricarum Scriptores. *Embrica* incolarum & adium frequentia, & Schola, quam optime instituta concinnum; vulgo *Emmerick*, *Asciburgium* Taciti Scholiastis. Id autem non vacare errore Newenarius docet. Atque hæc de Clivia: restat paucis explicandus *Iuliacensis Ducatus* vulgo *Iuliers* seu *Gulick*, Nomen illi ab Opido *Iuliaco*. Situs est inter flu. Rhenum & Mosam, idem pene qui Cliviæ, nisi quod hæc Septentrionalior ille Meridionalior sit. Conregionales enim alioqui eosdem habent. Regionis Aër bonus & salubris: Ager utcumque fertilis Frumenti omnis generis, quod ponderosum valde est. Profert quoque *Isuim* herbam Tinctorum, vulgo *Waid*, quæ Solifertilitas. Accolis magnum quæstum reddit: estque Pascuis lætus, Vinum vero haud gignit. Sunt hic permulta domestica Animalia, & imprimis Equi optimi. Principes Iuliacenses ab Eustathio Gotefridi Bilionei fratre ortum ducere existimantur. Caterum Iuliacensis ditio Comitatus olim fuit, & anno c15 cccxxix a Ludovico Imperatore in Marchionatum evectus fuit, ac deinde xxx post annis a Carolo IV in Comitibus Metensibus fuit creatus in Ducatum, id quod Cuspinianus sub titulo hujus Imperatoris ostendit. Primus autem Marchio qui & postea Dux *Gulielmus* I v. Hujus filius *Gulielmus* Patri successit in Ducatibus Iuliacensi & Gelrensi. Hic quum improlis obiisset, successorem reliquit *Raynoldum* fratrem. Eoque mortuo sine hærede relicta ejus uxor Affini

Ducatus Iuli-
censis.

Situs.

Aëris temperies.

Solifertilitas.

Animalium va-
retas.

Imperium Ma-
jorum.